

TA'IALA O FILIGA MA FUATAGA MŌ LE SI'OSI'OMAGA MA LE SOIFUAGA O TAGATA

Polōketi mō le Fa'aleleia ātili o le Saofia o 'Auala (P145545)

I. Fa'anaunauga

1. Ua sāunia i le Ta'iala o Filiga ma Fuataga mō le Si'osi'omaga ma le Soifuaga o Tagata (TFFSST) faiga fa'avae lautele, fa'asinoala, faiga fa'avae o fa'atinoga, ma fa'agāsologa e aofia i fa'atinoga o gāluega fa'anatinati a le Faletupe o le Lalolagi o le toe ātina'ega i Sāmoa. Ua tāpena lenei Ta'iala ina ia mautinoa le mulimulita'i i faiga fa'avae a le Faletupe o le Lalolagi mō le malupuipuiga ona o tūlaga 'olo'o iai nei i Sāmoa. O fa'anaunauga o le TFFSST, ia mautinoa i fa'atinoga o gāluega ua fuafuaina e:

- ❖ Puipuia le soifua mālōlōina o tagata;
- ❖ Tāofia pe tau i le 'ave'esea o 'auala e maua ai le tamāo'āiga o tagata;
- ❖ Fa'aitiitia le fa'aleagaina o le si'osi'omaga ona o taunu'uga o se soā polōketi po o le tu'ufa'atasiga o i'uga o ni soā poloketi;
- ❖ Fa'aitiitia a'afiaga o meatōtino fa'aleaganu'u; ma
- ❖ Si'itia le tūlaga o taunu'uga lelei mō le si'osi'omaga ma le soifuaga o tagata.

II. Faiga Fa'avae Lautele

2. I le mātauina o le tūlaga fa'anatinati o le fa'atinoga o gāluega toe ātina'e ma le mana'oga o le fa'atino loa o le fesoasoani, 'ae lē tu'ua ai le fa'amautinoa e fa'amāoni le fa'atautaiga o ni tūlaga e lamatia ai le si'osi'omaga ma le soifuaga o tagata, ua tāpena le TFFSST i faiga fa'avae nei:

- ❖ O fa'atinoga ua fuafuaina e lagolagoina ni soā polōketi e tele, ma, e lē mautinoa au'ili'iliga o ia soā polōketi i le taimi e 'āmata ai fuafuaga. Ina ia mautinoa le 'āto'atoa o le fa'atinoga o faiga fa'avae mō le malupuipuiga a le Faletupe o le Lalolagi, ua maua i le TFFSST fa'asinoala o 'auala e uia i le fa'atinoga o le filifiliga ma le mamana o soā poloketi ma 'auala e fa'aitiitia ai a'afiaga.
- ❖ E lē o fuafuaina ni soā polōketi o le Si'osi'omaga vāega "A" i soā polōketi o le tausaga muamua. 'Āfai e iai, 'ole'ā tāpena fuagata o le si'osi'omaga mō soā polōketi patino i le taimi o le fa'atinoga 'ae lē o le taimi e 'āmata ai fuafuaga. 'Ole'ā iai ni 'auala o fa'atonutonga i totonu o se Fuafuaga mō le Fa'atautaiga o le Si'osi'omaga 'oleā 'avea ma vāega o lea polōketi fa'anatinati. 'Olo'o talafeagai lea ma le palakalafa 13 o le OP 4.01 ma le palakalafa 5 o le BP 4.01.
- ❖ E leai ni matā'upu tau fesi'ita'iga o apitaga o mātauina i fa'atinoga o soā polōketi o le tausaga muamua. 'Āfai e tūla'i mai, 'ole'ā tāpena ni Fuafuaga o Fa'atinoga o Fesi'ita'iga o Apitaga (FFFA), ma/po o ni Ta'iala Fa'avae o Fesi'ita'iga o Apitaga

(TFFA) mō soā polōketi e patino i ai.

- ❖ Ua fuafuaina ‘ole’ā fa’atupeina i lalo o le fa’agāoioiga o gāluega toe ātina’e fa’anatinati su’esu’ega o le mafai ona fa’atino ma su’esu’ega o mamanu au’ili’ili o nei ātina’e, ma e aofia ai Fuataga o le Si’osi’omaga ma su’esu’ega i le soifuaga o tagata e pei ona mana’omia e faiga fa’avae mō le malupuipuiga a le Faletupe o le Lalolagi.
- ❖ E mamanu ma filifili soā polōketi ia fa’asafua i itūmālō ma ia fa’amanuiaina itū’āiga talitonuga fa’atāpua’iga ‘ese’ese, ‘ae taga’i fo’i i le ‘ese’esega o le aofa’i o tagata e nonofo i itūmālō po o vāega ‘ese’ese o le atunu’u. E maua avanoa tutusa mō gāluega i polōketi, fa’atatau i tomai ma agava’a, e lē āfāina po o le ā le itūpā, lanu po o le tāpua’iga. Mō polōketi ‘uma e mana’omia ai fefa’asoa’iga ma afio’aga ma i lātou e fa’amanuiaina, ‘ole’ā sa’ilia finagalo o ali’i fa’apea tama’itai.
- ❖ ‘Ole’ā fa’afaigōfieina mana’oga mō fa’atalanoaga ma le fa’ailoaina, ia talafeagai ma mana’oga fa’apitoa o nei fa’agāoioiga. ‘Ole’ā fa’ailoa lenei Ta’iala i matāgāluega ‘uma e patino i ai fa’apea isi nōfoaga faitele i Sāmoa, ma le Fale o Fa’amatalaga a le Faletupe o le Lalolagi.

III. Fa’amatalaga o le Polōketi

3. O le aso 13 ma le 14 o Tesema 2012 na āfātia ai Sāmoa i le Afā Teropika o ‘Ēvani. O le tau fa’atatau o mea na fa’aleagaina i vāega ‘uma o le tamāo’āiga ma le soifuaga o tagata ina ua mavae aso e lua o ‘Ēvani e 235.7 miliona Tālā Sāmoa (e tusa o le 103.3 Tālā Amerika). O le fa’atatau e tusa o le 88.35 miliona Tālā Sāmoa le tau o mea na fa’aleagaina po ua lē toe iai, i le vāega o fela’ua’iga lava ia ma, o le tele, o ‘auala ma ‘auala laupapa. O le Fuataga o Mana’oga, 2012 ina ua mavae le Afā o ‘Ēvani sa fa’atino e le Mālō o Sāmoa ma pā’aga ‘autū mai fafo na fa’amaumauina ai le maualuga o le pagātia i mea na fa’aleagaina i lenei fa’alavelave mātuiā. E ‘ese ai ma tagata māliliu ma manu’aga na tūla’i mai, e o’o atu i le 600 fale o ‘āiga na fa’aleagaina ma e tusa ma le 4,000 tagata ua leai ni fale e nonofo ai. Na fa’aleagaina fo’i ‘auala tetele ma ‘auala laupapa, ma sa fai lea ma to’atūgā i femalagaa’iga a tagata ma fela’ua’iga o ‘oloa e lē gata i motu ta’itasi ‘a’o le vā o motu aupito tetelē o le atunu’u, o ‘Upolu ma Savai’i.

4. ‘Olo’o tāpena e le Faletupe o le Lalolagi se polōketi fa’anatinati e tali i mafatiaga mai le afā o ‘Ēvani - Polōketi mō le Fa’aleleia ātili o le Saofia o ‘Auala (PFSA), e fa’aaogā ai fa’agāsologa fa’anatinati a le Faletupe (OP/BP 10.00). O fa’anaunauga o le ātina’ega o le PFSA o le tu’uina atu lea o fesoasoani fa’anatinati ia fa’aleleia le saofia o ‘auala mō i lātou ‘uma e fa’aaogāina, e ala i le: (i) tagofia o lu’i na tūla’i mai ona o le afā o ‘Ēvani; ma le (ii) si’itia o le tūlaga ‘anagatā o ‘auala ‘autū ma ‘auala laupapa i motu o Savai’i ma ‘Upolu.

5. E tolu vāega o le PFSA, ma o vāega nei:

Vāega 1: Toe Fauga o ‘Auala ma ‘Auala laupapa (US\$31.50 miliona). O le vāega lenei ‘ole’ā fesoasoani e toe fa’alelei ‘auala ma ‘auala laupapa na fa’aleagaina e ‘Ēvani, ma si’itia le tūlaga, toe fa’alelei ma/pe toe fau meatōtino tau ‘auala i ni tūlaga e sili atu le lelei e fa’aopopo ai le ‘anagatā i suiga tūlaga maoa’e o le tau. O le tausaga muamua o le polōketi ua fa’amoemoe le Pūlega o Fela’ua’iga i le Lau’ele’ele e fa’alelei pe toe sui le ‘Auala laupapa i Leonē. O le aofa’igatupe ua tā’ua i luga ‘olo’o aofia ai se fa’atatau e US\$28 miliona mō gāluega ma le tusa o le

	US\$2.45miliona mo mamamu au'ili'ili ma le va'ava'aiga o gāluega, e tusa lea o le 8% o le tau o le gāluega.	
	<p>Vāega 2: Fesoasoani Fa'apitoa (US\$2.5 miliona): 'Ole'ā iai le fesoasoani mō le fa'amālosiina o le pūlega ma tūlāfono fa'atonutonu o le fa'atautaiga ma le tausiga o meatōtino tau 'auala, ma le fa'amālosiina o agava'a i le fa'atautaiga o le vāega o fela'ua'iga i le lau'ele'ele. 'Ole'ā āmanamana'i le lagolagoina o: (i) iloiloga ma toe suiga o tūlaga mana'omia mō le tausiga o 'auala ia atagia ai faiga ia 'anagatā mai uiga o le tau; (ii) fetu'una'iga o aiaiga fa'aletūlāfono ma tūlāfono fa'atonutonu mō le fa'amālosia o le tausisia o tapula'a o le mamafa o uta a ta'avale, ia talafeagai ma Fa'agāioioiga o Polokalame Ātina'e a le Faletupe; (iii) le fa'amālosiina o agava'a fa'apitoa i le Pūlega o Fela'ua'iga i le Lau'ele'ele e fau fuafuaga lelei ma fa'atautai gāluega, e aofia ai le ātina'ega o se polokalame mō le tausiga o 'auala laupapa; ma, (iv) le fa'atinoga o ni tūlaga e fō'ia ai ni fa'atūtāuli e tūla'i mai e fa'alavelaveina ai le mafai e le Mālō ona fausia meatōtino 'anagatā o 'auala.</p>	
	<p>Vāega 3: Fa'atautaiga o le Polōketi (US\$1.00 miliona): 'Ole'ā fa'atupe i le polōketi 'au'aunaga a se kamupanī e lagolago i le fa'atinoga o le PFSA. O le kamupanī na filifilia e faia gāluega fa'apea mō le 'Auala i le Talafātai i Sisifo, 'olo'o fa'atino fo'i e le Pūlega o Fela'ua'iga i le Lau'ele'ele, 'ole'ā fesoasoani i le fa'atautaiga o le PFSA. E fesoasoani tu'utu'uga fa'asoaso fa'apēnei i le fa'aitiitia o le aofa'iga o tupe fa'aalu i lenei vāega i se tupe fa'atautaiga e US\$1 miliona.</p>	
<p>IV. Ta'iala o Filiga ma Fuataga mō le Si'osi'omaga ma le Soifuaga o Tagata (TFFSST)</p>		
<p>6. Ua tāpena fa'apitoa lenei TFFSST mō gāluega ua fuafuaina ina ia mautinoa le fa'aeteete ina ia taofia le āfāina po o ni fete'ena'iga i tagata, ma ia mautinoa e talafeagai le taga'i a le Mālō o Sāmoa i matā'upu tau soifuaga o tagata ma le si'osi'omaga. O le isi fa'amoemoe o lenei Ta'iala o le fesoasoani lea i 'Ōfisa o Fa'atinoga o Polōketi i le iloiloga o soā polōketi 'uma, mātauina o ni a'afiaga o le soifuaga o tagata ma le si'osi'omaga, fa'ama'otiina o fa'amaumauga ma mana'oga o tāpenaga, ma le fa'atūlagaga o ātina'e.</p>		
<p>7. Ua fa'amatalaina i le pusa 'olo'o mulimuli mai faiga fa'avae a le Faletupe o le Lalolagi mō le malupuipuiga o le si'osi'omaga ma le soifuaga o tagata e talafeagai i lenei Polōketi. O le laina fa'atū lonatolu 'olo'o iai fa'asinoala i faiga ma fa'atinoga mana'omia mō vāega ta'itasi ina ia tausisia faiga fa'avae a le Faletupe. 'Olo'o lisi atu ai ni gāioioiga e mafai ona fa'atino ma le 'auala e fa'atino ai ma mau e fa'amāonia ai le mulimulita'ia o mana'oga mō le malupuipuiga o le si'osi'omaga ma le soifuaga o tagata.</p>		
<p>Fa'amatalaga Au'ili'ili o Faiga Fa'avae a le Faletupe o le Lalolagi mō le Malupuipuiga o le Si'osi'omaga ma le Soifuaga o Tagata</p>		
	Faiga Fa'avae	Fa'anaunauga
	Fa'anaunauga	Fa'agāsologa
WB Fuataga o le Si'osi'omaga (OP 4.01)	E mana'omia e le Faletupe le filiga o polōketi e talosagaina le fa'atupeina e le Faletupe ina ia mautinoa	E fa'atino e le Pūlega o Fela'ua'iga i le Lau'ele'ele le ulua'i filiga o fa'atinoga fuafuaina. E fili muamua fa'atinoga e ala i le "lisi o fa'atinoga lē lelei". Ona toe fili lea o

	<p>e talafeagai ma le si'osi'omaga ma e mafai ona fa'aauau, ma fa'apea ona fa'alelei ai le faiga o fa'ai'uga.</p>	<p>soā polōketi e fa'aaogā ai Ta'iala o Fa'atinoga Tau Si'osi'omaga a le Mālō o Sāmoa, ma e tatau ona tausisia aiaiga o nei Ta'iala. E ono mana'omia se Fuataga o le Si'osi'omaga fuafua i le telē ma uiga o le soā polōketi. 'Āfai e lē mana'omia se Fuataga o le Si'osi'omaga (FS), e toe fai le filiga e ala i se Lisi o Filiga mō le Si'osi'omaga ma le Soifuaga o Tagata (LFSST) e fua ai tūlaga o lamatiaga. Mō ni isi soā polōketi, e ono mana'omia ni Fuafuaga o Fa'atautaiga mō le Si'osi'omaga ma le Soifuaga o Tagata (FFSST).</p> <p>O le taimi 'āmata fa'ato'ā fa'ailoa ai soā poloketi, 'ole'ā fai le filiga e le 'aufaigāluega o le polōketi ma fa'ama'oti vāega e gata mai ai se polōketi, ma fa'avasega polōketi i vāega talafeagai o le malupuipuiga. 'Olo'o i le Pepa Fa'apipi'i 2 le LFSST.</p> <p>Pe 'āfai e mana'omia, e mafai ona tolopō le tāpenaga o pepa a soā polōketi mō le malupuipuiga e pei o FS, FFSST ma isi, i le taimi e fa'atino ai sea soā polōketi, 'ae tatau ona mǎe'a 'ae le'i 'āmataina gāluega.</p> <p>E toe iloilo e le Faletupe ma pāsia pepa 'uma a soā polōketi mō le malupuipuiga ina ua fa'amalieina le Faletupe i le fa'ailoaina o a'afiaga ma le talafeagai o 'auala ua fuafuaina mō le fa'aitiitia.</p>
<p>Fesi'ita'iga Fa'amālosi o Apitaga</p>		
<p>WB Fesi'ita'iga Fa'amālosi o Apitaga (OP 4.12)</p>	<p>Ina ia fesoasoani i tagata ua fa'atūla'i i a lātou taumafaiga e fa'alelei, pe toe fa'afō'i i le tūlaga sa iai o lātou tamāo'āiga ma tūlaga o le soifuaga ona ua fa'atūla'i.</p>	<p>E taga'i le Pūlega o Fela'ua'iga i le Lau'ele'ele i a'afiaga o fesi'ita'iga fa'amālosi ona o mamanu o fausaga ma mamanu fa'a'inisia o polōketi ma ia manatua, e tatau ona 'alofia le 'aveina o 'ele'ele po o 'auala e maua ai le tamāo'āiga pe 'āfai e mafai, pe fa'aitiitia e ala i le su'esu'e i isi mamanu 'uma mō se polōketi. O le filifiliga o le mamanu e fa'aaogā, e fa'avae lea i le aupito itiiti o tagata e a'afia. O le Lisi mo le Ta'iala mō le 'Aveina o 'Ele'ele ma Fesi'ita'iga o Apitaga 'olo'o i pepa fa'apipi'i o le Pepa Fa'aopoopo 3. O le Lisi lea e fa'amautinoa ai le telē o a'afiaga, itū'āiga 'ele'ele a'afia, ma pepa mō le malupuipuiga e mana'omia. E tatau ona</p>

		<p>‘āuai tagata a’afia ‘uma ‘ae ‘āmata i feiloa’iga ma pulenu’u, o i lātou ia e fesoasoani i le ‘āuai o i lātou e ona ‘ele’ele, fa’apea ma matai.</p> <p>E siaki ma pāsia e le Faletupe pepa ‘uma o Fuafuaga o Fa’atinoga o Fesi’ita’iga (FFF) mō polōketi e sili atu i le 200 tagata a’afia, ma le tolu o e muamua o FFF fa’apu’upu’uina.</p> <p>E fa’atino fa’atasi lenei gāluega ma le ‘Ōfisa o Fa’atautaiga o ‘Ele’ele a le Matāgāluega o Puna’oa Fa’alenātura ma le Si’osi’omaga.</p> <p>E totogi ‘uma atu tau i le tasi le māsina ‘ae le’i ‘āmataina gāluega i lea vāega o le polōketi. ‘Āfai e ono ‘umi ni fefinaua’iga, ‘ole’ā tāpā se finagalo o le Faufautua o le Malupuipuiga a le Faletupe, ona o le tūlaga fa’anatinati o lenei polōketi.</p>
--	--	--

Tagata o le ‘Ele’ele

WB Tagata o le ‘Ele’ele (OP 4.10)	O le faiga fa’avae lenei o se vāega o le manulauti a le Faletupe o le fa’aitiitia o le mativa ma le lagolagoina o ātīna’e e mafai ona fa’aaauuina, e ala i le fa’amautinoa e āloa’ia tagata soifua ma āiā tataua a tagata, faiga o le tamāo’āiga, ma aganu’u a Tagata o le ‘Ele’ele.	O le to’atele o i lātou e nonofo i Sāmoa o tagata o le ‘ele’ele. Ona e matuā mafuli le tele o i lātou e fa’amanuiaina i tagata o le ‘ele’ele e pei o lenei polōketi, ‘ole’ā aofia i le mamanu tū ma le aganu’u i nōfoaga ‘uma e fa’atino ai lenei polōketi.
-----------------------------------	--	---

IV. Filiga mō le Malupuipuiga ma le Fa’aitiitiga o A’afiaga

9. ‘Ole’ā ōgatasi le filifiliga, mamanu, faiga o konekarate, māta’itūina ma iloiloga o soā polōketi ma fa’asinoala, ta’iala o fa’atinoga, ma mana’oga ‘olo’o mulimuli mai. O le ‘auala fa’agāsolo o le filiga mō le malupuipuiga ma le fa’aitiitiga o a’afiaga ‘ole’ā aofia ai:

	<ul style="list-style-type: none"> ❖ se lisi o itū lē lelei o se soā polōketi fuafuaina e lē mafai ai ona lagolagoina, (Pepa Fa’apipi’i 1); ❖ se lisi e siaki ai a’afiaga e ono tūla’i mai i le si’osi’omaga ma le soifuaga o tagata, ua fa’atumuina mo soā polōketi ta’itasi po o se vāega o soā polōketi (Pepa Fa’apipi’i 2); ❖ se ta’iala o le ‘aveina o ‘ele’ele, fa’amanuiaga ma tau (Pepa Fa’apipi’i 3); ma
--	--

	<p>❖ Ta'iala o Fa'atinoga tau le Si'osi'omaga i vāega fa'apitoa o konekarate ina ia fesoasoani e tāofi ma fa'aitiitia a'afiaga o le si'osi'omaga e ono tūla'i mai (Pepa Fa'apipi'i 4).</p>
<p>V. Matāfaioi o le Filiga mō le Malupuipuiga ma le Fa'aitiitiga o A'afiaga</p>	
<p>10. O le Pūlega o Fela'ua'iga i le Lau'ele'ele e nafa ma le fa'atinoga o le PFSA. O le Pūlega o Fela'ua'iga i le Lau'ele'ele e iai lana Fono Fa'atonu ma ana ta'iala fa'aletūlāfono, ma, na 'āmata ana gāluega ia Iulai 2009 na ia tau'aveina ai le fa'atautaiga o le ātīna'e ma le tausiga o 'auala mai le Matāgāluega o Gāluega, Fela'ua'iga ma Ātīna'e 'Ese'ese. Na lagolagoina le fa'atūina o le Pūlega o Fela'ua'iga i le Lau'ele'ele i lalo o le Polōketi Lonalua a le Faletupe mō Ātīna'e 'ese'ese.</p>	
<p>11. O le taimi nei 'olo'o fa'atino e le Pūlega o Fela'ua'iga i le Lau'ele'ele le vāega o 'auala o le Polōketi Lonalua o le Fa'atautaiga o Meatōtino o Ātīna'e 'ese'ese, Gāluega Toe Fausia ina ua Mavae le Sunami, Si'itia o le 'Anagatā o le 'Auala i le Talafātai i Sisifo. 'Olo'o sōloga lelei le fa'atinoga o ia gāluega ma ua māsani le Pūlega i āiaiga a le Faletupe o le Lalolagi mō malupuipuiga. E pei ona sa faia i isi polōketi sa fa'atupeina e le Faletupe, 'ole'ā iai le fesoasoani i lalo o le PFSA mo fa'atinoga.</p>	
<p>VI. Ātīna'ega o Agava'a ma le Māta'itūina o Fa'atinoga o le Ta'iala mō le Malupuipuiga</p>	
<p>12. O se vāega o le ātīna'ega o agava'a mō le fa'atinoga o le gāoioiga fuafuaina, 'ole'ā a'oa'oina le 'aufaigāluega e nafa ma ia tiute i 'ōfisa e patino i ai (Pūlega o Fela'ua'iga i le Lau'ele'ele, Matāgāluega o Puna'oa Fa'alēnatura ma le Si'osi'omaga, 'Ōfisa o Fuafuaga ma Pūlega o Nōfoaga i Taulaga) i le fa'atinoga o le TFFSST. I le va'ava'aiga o nei gāluega, 'ole'ā iloilo e le Faletupe o le Lalolagi le fa'atinoga o le TFFSST, ma fautuaina ai ni 'auala fa'aopoopo e ātīna'e ai agava'a pe 'āfai e mana'omia.</p>	
<p>VII. Fa'atalanoaga ma le Fa'ailoaina</p>	
<p>13. 'Ole'ā fa'ailoaina lenei TFFSST i totonu o le atunu'u i le 'upegatafā'ilagi a le Pūlega o Fela'ua'iga i le Lau'ele'ele. 'Ole'ā fa'ailoa fo'i i Gagana Sāmoa ma le Peretānia i le Fale o Fa'amatalaga a le Faletupe o le Lalolagi. O pepa o le malupuipuiga 'ole'ā saunia mō ni soā poloketi e mulimuli mai 'ole'ā fa'apea fo'i ona fa'ailoaina.</p>	
<p>14. 'Ole'ā fa'atalatalanoa ma āmana'ia e le 'Ōfisa o fa'atinoga o lenei polōketi (Pūlega o Fela'ua'iga i le Lau'ele'ele) finagalo o vāega 'uma e a'afia i lenei polōketi ma fa'alāpotopotoga tūma'oti e uiga i itū tau le si'osi'omaga ma le soifuaga o tagata. E faia nei fa'atalanoaga i se taimi vave e mafai ai. Ina ia iai se aogā o nei fa'atalanoaga, e tu'uina atu pepa ma fa'amatalaga talafeagai i gagana e māmamalama ai i lātou 'ole'ā 'āuiai ina ia lava le taimi e taga'i i ai 'ae le'i faia fa'atalanoaga.</p>	
<p>15. Mō so'o se polōketi e i le Vāega A, e lē itiiti ifo i le fa'alua ona fa'atalanoa vāega nei: (a) i se taimi vave ina ua mae'a le filiga i itū tau le si'osi'omaga 'ae le'i fa'amautūina āiaiga mō le fa'atinoga o le Fuataga o A'afiaga o le Si'osi'omaga (FAS); ma le (e) ina ua mae'a le tāpenaga muamua o le līpoti o le FAS. Mō le fa'atalanoaga muamua, 'ole'ā saunia e le 'Ōfisa o Fa'atinoga se 'oto'otoga o fa'anaunauga, se fa'amatalaga o le polōketi, ma a'afiaga e</p>	

ono iai ona o le polōketi ua fa'atūina mai. Mō polōketi e i le Vāega A ma le B, 'ole'ā tu'uina atu e le 'Ōfisa o Fa'atinoga 'oto'otoga o fautuaga mai līpoti o FAS. 'Ole'ā fa'apea fo'i ona fa'ailoa fa'alaua'itele e le 'Ōfisa o Fa'atinoga tāpenaga muamua o ia līpoti i vāega 'uma 'ole'ā a'afia ma fa'alāpotopotoga tūma'oti e aofia ai.